



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan • WWW.XS.UZ • E-mail: Info@xs.uz • 2023-yil 21-sentabr, № 198 (8541)

Payshanba Saytimizga o'tish uchun QR-kodni telefoningiz orqali skaner qiling.



XALQARO MAYDONDA MAMLAKATIMIZNING ORTGA QAYTMAS ISLOHOTLAR DASTURI YUQORI BAHOLANMOQDA

O'zbekiston Respublikasi Prezidenti Shavkat Mirziyoyev amaliy tashrif bilan Amerika Qo'shma Shtatlarida bo'ldi.



Davlatimiz rahbari tashrif doirasida 20 sentyabr kuni Nyu-York shahrida Futbol assotsiatsiyalari xalqaro federatsiyasi (FIFA) rahbari Janni Infantino, "Boston Consulting Group" kompaniyasi raisi Rich Lesser va kompaniyaning Markaziy Osiyo va Kaspiy mintaqasi bo'yicha rahbari Rza Nuriyev, AQSHning eng yirik

2023 yilgi futbol bo'yicha ayollar o'rtasidagi jahon chempionati muvaffaqiyatli o'tkazilgani bilan samimiy tabrikladi.

O'zbekiston va FIFA o'rtasidagi samarali sheriklik alohida mamnuniyat bilan qayd etildi. Futbolni rivojlantirish va yoshlarni keng jalb qilish bo'yicha qo'shma dastur va loyihalar amalga oshirilmoqda.

2024 yilda ilk bor FIFA shafeligidagi futbol bo'yicha jahon chempionatiga mezbonlik qilishi bilan tabrikladi va uning yuqori saviyada o'tkazilishiga muvaffaqiyatlar tiladi.

Shuningdek, Janni Infantino yurtimizda ommaviy va professional futbolni har tomonlama qo'llab-quvvatlash, zamonaviy



Rza Nuriyev bilan uchrashuv avvalida davlatimiz rahbari AQSHning ushbu konsalting kompaniyasi O'zbekistondagi yirik korxonalarining boshqaruvini maqbul-lashtirish loyihalarida faol ishtirok etayotganini qayd etdi. O'tgan yili Toshkent shahrida "Boston Consulting Group"ning ofisi ochildi.

Suhbatda sun'iy intellekt salohiyatidan foydalangan holda Bilimlar iqtisodiyotiga o'tish bo'yicha uzoq muddatli kompleks strategiyani, sanoatni rivojlantirish dasturini hamda O'zbekiston energetika sohasini rivojlantirish "master rejasini" birgalikda ishlab chiqish masalalari muhokama qilindi.

Investorlar bilan O'zbekiston hududlarini rivojlantirishga uzviy bog'lagan holda ishlab chiqish masalalari muhokama qilindi. Xususiylikni oshirish, davlat korxonalarini va banklarni transformatsiya qilish va xususiylikni oshirish, banklarning raqamli infratuzilmasini modernizatsiya qilish, shaharlarni rivojlantirish va energetikadagi loyihalarni ekspertiza jihatdan qo'llab-quvvatlash bo'yicha qo'shma loyihalarni amalga oshirish istiqbollari ham ko'rib chiqildi.

AQSHning eng yirik "Citigroup" moliyaviy korporatsiyasi raisi Jon Dugan bilan uchrashuvda davlatimiz rahbari O'zbekiston banklari va davlat korxonalarini obligatsiyalarining xalqaro fond bozorlarida muvaffaqiyatli joylashtirilishiga ko'maklashgan korporatsiya bilan samarali hamkorlik yo'lga qo'yilganini mamnuniyat bilan qayd etdi.

O'zbekiston yetakchisi "Citigroup"ning mamlakatimizda "Citibank" shu'ba banki ofisini ochish bo'yicha rejalarini qo'llab-quvvatlashi.

Uchrashuvda bank-moliya sohasini rivojlantirish, fond bozorida qiymatli qog'ozlar jozibadorligi va likvidligini oshirish uchun samarali vositalarni joriy etish, mamlakatimiz kapital bozoriga xorijiy investitsiyalarni jalb qilish borasida o'zaro manfaatli hamkorlik masalalari muhokama qilindi.

AQSH korporatsiyasi bilan hamkorlikni kengaytirish bo'yicha ta'sirchan mexanizmlar va aniq ijro muddatlarini ko'rsatgan holda "Yo'l xaritasi"ni qabul qilishga kelishib olindi.

Ajay Banga bilan uchrashuvda O'zbekiston bilan Jahon banki o'rtasidagi keng ko'lami hamkorlikni kengaytirishning asosiy jihatlari ko'rib chiqildi.

Suhbat avvalida davlatimiz rahbari Ajay Bangani Jahon banki guruhi prezidenti lavozimida ish boshlagani bilan tabrikladi hamda uning rahbarligida bank rivojlanayotgan mamlakatlarning barqaror iqtisodiy rivojlanishiga faol ko'maklashishni davom ettirishiga ishonch bildirdi.

Xususiylikni oshirish va samarali davlat boshqaruvi sohasida bankning ekspertlik va texnik ko'magini kengaytirish, karbonsizlashtirish, muqobil energetika, infratuzilma va kommunikatsiyalar, suv ta'minoti bo'yicha loyihalarni moliyalashtirish va ularga xususiy investitsiyalar, shu jumladan, davlat-xususiy sheriklik asosida jalb qilish hamda Transafg'on temir yo'lini qurish kabi strategik tashabbuslarni qo'llab-quvvatlash masalalari muhokama qilindi.

Ajay Banga, o'z navbatida, mamlakatimizda amalga oshirilayotgan ortga qaytmas islohotlar dasturini yuqori baholab, o'zaro manfaatli sheriklikni bundan buyon ham rivojlantirishga tayyorligini bildirdi.

Bankning dunyo biznesi yetakchi vakillaridan iborat Maslahat kengashi O'zbekistonga to'g'ridan-to'g'ri investitsiyalar oqimini oshirish bo'yicha chora-tadbirlarni ishlab chiqishda ishtirok etishi to'g'risida kelishuvga erishildi.

Ta'kidlash joizki, O'zbekiston bankning eng yirik hamkor-benefitsiarlaridan biri hisoblanadi, so'nggi olti yilda qo'shma loyihalar portfeli besh barobardan ziyodga kengaydi.

2026 yilga qadar davrga mo'ljallangan va jami 4 milliard dollarlik loyihalarni amalga oshirishni nazarda tutuvchi Hamkorlik dasturi Yangi O'zbekiston taraqqiyot strategiyasining barcha ustuvor yo'nalishlarini qamrab olgan.

Pokiston Islom Respublikasi Bosh vaziri vazifasini bajaruvchi Anvar ul-Haq Kakar bilan muzokaralarda O'zbekiston — Pokiston strategik sheriklik munosabatlarini, eng avvalo, savdo-iqtisodiy, investitsiya va transport-kommunikatsiya sohaslarida yanada mustahkamlash masalalari muhokama qilindi.

Tomonlar o'zaro savdo ko'rsatkichlari yil boshidan 75 foizga o'sganini mamnuniyat bilan qayd etdilar. Shu davrda yuk tashish hajmi 50 foizga oshdi, 20 ta yangi qo'shma korxonaga ochildi.

Davlatimiz rahbari Imtiyozli savdo to'g'risidagi bitim doirasida tovar ayir-boshlashni oshirish uchun qulay sharoitlarni yaratish ishlarini davom ettirish muhimligini ta'kidladi.

Ikki mamlakat hududlari o'rtasida samarali hamkorlikni kengaytirish va kooperatsiya aloqalarini rivojlantirish uchun katta salohiyat mavjudligi ko'rsatib o'tildi. To'qimachilik, farmasevtika, elektrotexnika va turizm sohaslarida qo'shma investitsiya loyihalarini amalga oshirish istiqbollari ham ko'rib chiqildi.

Mintaqaviy xavfsizlikni ta'minlash yuzasidan, shu jumladan, Afg'onistondagi vaziyatning rivojlanishi nuqtai nazaridan fikr almashildi.

Transafg'on temir yo'lini qurish loyihasini amalga ilgari surish borasida birgalikda harakat qilish muhim ekanini qayd etildi.

Shu bilan O'zbekiston Respublikasi Prezidenti Shavkat Mirziyoyevning Amerika Qo'shma Shtatlariga amaliy tashrifi yakunlandi.

O'zA.

O'zbekiston Respublikasi Prezidenti Matbuot xizmati suratlari.



"Citigroup" moliyaviy korporatsiyasi raisi Jon Dugan, Jahon banki guruhi prezidenti Ajay Banga va Pokiston Islom Respublikasi Bosh vaziri vazifasini bajaruvchi Anvar ul-Haq Kakar bilan uchrashuv o'tkazdi. Prezidentimiz Janni Infantinoni

Mamlakatimizda FIFAning yirik xalqaro tadbirlarini, shu jumladan, ayollar va o'smirlar o'rtasidagi birinchi kishilarni tashkil etish va o'tkazish masalalari muhokama qilindi.

Federatsiya rahbari O'zbekistonni

infratuzilma va ta'lim bazasini yaratish borasida olib borilayotgan keng ko'lami ishlarini yuqori baholadi.

"Boston Consulting Group" kompaniyasi raisi Rich Lesser va Markaziy Osiyo va Kaspiy mintaqasi bo'yicha rahbari

DEMOKRATIYA VA ADOLAT TAMOYILLARINI MUSTAHKAMLASHGA QARATILGAN TUB O'ZGARISHLAR

O'zbekiston Prezidentining 19 sentyabr kuni Birlashgan Millatlar Tashkiloti Bosh Assambleyasining 78-sessiyasidagi nutqi hamda davlatimiz rahbarining Amerika Qo'shma Shtatlar va Markaziy Osiyo mamlakatlari yetakchilarining "C5+1" formatidagi birinchi sammitidagi ishtiroki, Nyu-Yorkda chet el siyosiy arboblari, yetakchi xalqaro moliyaviy va boshqa tizimlar rahbarlari bilan bo'lib o'tgan ko'pgina uchrashuvlari yangi O'zbekiston faol tashqi siyosatining mantiqiy davomi hisoblanadi. Bularning barchasi xorijiy mamlakatlarning ijtimoiy-siyosiy va ekspert-tahlil doiralari vakillari o'rtasida "ozbek trendi" degan nomni oldi.

Dunyo nigohi

Antonio ALONSO, San-Pablo universiteti huzuridagi gumanitar tadqiqotlar instituti huquq fakultetining professori, Markaziy Osiyo mintaqasi bo'yicha mutaxassis:

O'zbekiston Prezidentining BMT Bosh Assambleyasining navbatdagi sessiyasidagi nutqi ekologik muammolar va ijtimoiy masalalarni hal etishdan tortib, ta'lim, gender tenglik va diniy bag'rikenglikka qadar dolzarb tashabbuslarga boy bo'ldi. O'zbekiston rahbarining takliflari faqat mintaqaviy

yoki milliy darajada cheklanib qolmaydi, balki global mazmun-mohiyatga ega. Prezident Shavkat Mirziyoyev nutqidagi asosiy jihatlar uning so'nggi bir necha yil ichida xalqaro platformalarda e'lon qilgan tashabbuslarining mantiqiy davomi hisoblanadi, deb o'ylayman.



Yangi O'zbekiston strategiyasi: BIR MAQSAD YO'LIDA MUSHTARAKLIK

"O'zbekiston — 2030" strategiyasining qabul qilinishi xalqimiz hayotidagi eng muhim tarixiy voqealardan, desak, ayni haqiqat. Shu yil 11 sentyabr kuni Prezident Shavkat Mirziyoyevning Farmoni bilan "O'zbekiston — 2030" strategiyasi tasdiqlandi hamda uni 2023 yilda o'z vaqtida va sifatlilik bilan amalga oshirish bo'yicha qaror qabul qilindi.

Fikr

"O'zbekiston — 2030" strategiyasida beshta ustuvor yo'nalish bo'yicha 100 ta maqsad o'z aksini topgan. Xususan, har bir insonga o'z salohiyatini ro'yobga chiqarish uchun munosib sharoitlar yaratish, barqaror iqtisodiy o'sish orqali aholi farovonligini ta'minlash, suv resurslarini tejash va atrof-muhitni muhofaza qilish, qonun ustuvorligini ta'minlash, xalq xizmatidagi davlat boshqaruvi barpo etish, "xavfsiz va tinchliksevar davlat" tamoyiliga asoslangan siyosatni izchil davom ettirish strategiyasining asosiy g'oyalidir.

Strategiyaning beshinchi ustuvor yo'nalishi — mamlakatni xavfsiz va tinch-



O'ZARO ALOQALARNING ISTIQBOLLARI MUHOKAMASI

Aval xabar berilganidek, Oliy Majlis Senati Raisi boshchiligidagi delegatsiya amaliy tashrif bilan Janubiy Koreyada bo'lib turibdi. Tashrifning navbatdagi kuni Senat Raisi Tanzila Norboyeva Koreya Respublikasi Bosh vaziri Xan Dok Su bilan uchrashuv o'tkazdi.

Muloqot

Muloqotda O'zbekiston va Koreya Respublikasi hamkorligining keng doirasi, jumladan, savdo-iqtisodiy, investitsiyaviy hamda ijtimoiy sohalardagi munosabatlarining hozirgi holati va istiqbollari muhokama qilindi.

Ayni paytda Janubiy Koreya bilan birgalikda "yashil" energetika, raqamli texnologiyalar, mashinasozlik, kimyo sanoati, elektrotexnika va to'qimachilik tarmoqlari, infratuzilmaviy rivojlanish, shaharsozlik va boshqa ko'plab yo'nalishlarda istiqbolli loyihalar amalga oshirilmoqda.

Janubiy Koreyadan O'zbekistonga investitsiyalar hajmi 7 mlrd. dollardan oshib, mamlakatimizda qariyb mingta qo'shma korxonalar faoliyat yuritayti.

Koreya xalqaro hamkorlik agentligi, mamlakat Eksimbanki va uning fondlari bilan samarali hamkorlik natijasida ular

bilan amalga oshirilayotgan loyihalarning umumiy portfeli 3 mlrd. dollardan ziyodni tashkil etgani alohida ta'kidlab o'tildi.

Suhbat chog'ida Iqtisodiy rivojlanish bo'yicha hamkorlik jamg'armasi (EDCF) bilan birgalikda tibbiyot va farmasevtika klasterini tashkil qilish, elektronika mahsulotlari va yarimo'tkazgichlar ishlab chiqarish bo'yicha O'zbekiston — Janubiy Koreya klasterini yaratish va boshqa loyihalarni amalga oshirishni jadallashtirish zarurligi qayd etildi.

Koreya Respublikasi Bosh vaziri kun tartibining barcha dolzarb yo'nalishlari bo'yicha ikki tomonlama hamkorlikni chuqurlashtirishga qaratilgan yangi konstruktiv takliflarni faol ishlab chiqish tarafofiri ekanini ta'kidladi.

Uchrashuv yakunlari bo'yicha qamrov jihatdan kengayib borayotgan ikki tomonlama muloqotni amaliy mazmun bilan yanada boyitishga kelishib olindi.



Qonunchilik palatasida

TA'LIM TO'G'RISIDAGI QONUNNI TAKOMILLASHTIRISH BO'YICHA GALDAGI VAZIFALAR BELGILAB OLINDI

Oliy Majlis Qonunchilik palatasida Spiker N. Isoilov raisligida "Ta'lim to'g'risida"gi Qonunni takomillashtirish yuzasidan takliflar ishlab chiqish bo'yicha ishchi guruhning yig'ilishi bo'lib o'tdi.



Ishchi guruh a'zolari so'nggi yillarda mamlakatimizda ta'lim sohasini isloh qilish, jumladan, bu yo'nalishdagi xizmatlar sifatini yanada yaxshilash, pedagog-kadrlarning bilim va malakasini xalqaro darajaga olib chiqish, maktabgacha va oliy ta'lim qamrovini yanada kengaytirishga qaratilgan izchil islohotlar amalga oshirilayotganini alohida ta'kidladilar. Shuningdek, yuzlab zamonaviy bilim maskanlari barpo etilgan, Prezident maktablari, ijod maktablarining hayotimizga kirib kelgani, ixtisoslashtirilgan maktablar tarmog'ining kengaygani, o'qituvchi va murabbiylarning sharoitlarini yaxshilashga qaratilgan tizimli ishlar ham e'tirof etildi.

Yig'ilishda "Ta'lim to'g'risida"gi Qonunni takomillashtirishga qaratilgan takliflar ishlab chiqish bo'yicha ishchi guruh faoliyatini tashkil etish yuzasidan Oliy Majlis Qonunchilik palatasi Kengashining qarori qabul qilingan sanadan, ya'ni shu yil 12 sentyabrdan hozirgi kungacha qadar amalga oshirilgan ishlar tahlil etildi. Shu bilan birga, mamlakatimiz

Prezidenti raisligida 2023 yilning 28 avgust kuni maktablarda ta'lim sifatini oshirish, o'quvchi o'rni ko'paytirish va o'qituvchilarni qo'llab-quvvatlashga qaratilgan ustuvor vazifalar bo'yicha o'tkazilgan videoselektor yig'ilishida belgilab berilgan muhim vazifalar, g'oyalar, xalqaro tajribani o'rganish natijalari, qisqacha aytganda, amaldagi "Ta'lim to'g'risida"gi Qonunda ifodasini topishi kerak bo'lgan yangi normalar borasida fikrlar almashildi.

Ishchi guruh a'zolari amaldagi qonunchilikda ta'limning boshqaruv tizimiga oid takliflarni, xususan, yil boshida o'tkazilgan ma'muriy islohotlar doirasidagi ta'limga oid o'zgarishlarni qonunda aks ettirish lozimligini urg'uladilar. Yig'ilish yakunida bildirilgan fikrlar va mulohazalardan kelib chiqib, yaqin kunlarda "Ta'lim to'g'risida"gi qonunning yangi konsepsiyasini ishlab chiqish va muhokama qilishga kelishib olindi.

"Xalq so'zi".

BAHS-MUNOZARALARGA SABAB BO'LGAN HUJJAT KO'RIB CHIQLILMOQDA

Oliy Majlis Senatining Sud-huquq masalalari va korrupsiyaga qarshi kurashish qo'mitasida "O'zbekiston Respublikasining Jinoyat kodeksiga va O'zbekiston Respublikasining Ma'muriy javobgarlik to'g'risidagi kodeksiga o'zgartirish va qo'shimchalar kiritish haqida"gi qonun dastlabki tarzda muhokama qilindi.

Senat qo'mitasida

Muhokamada senatorlar, ekspertlar, mutaxassislar, Qoraqalpog'iston Respublikasi Jo'rg'org'i Kengesi, xalq deputatlari viloyat, tuman va shahar Kengashlari doimiy komissiyasi raislari, Yoshlar parlamenti a'zolari, ommaviy axborot vositalari vakillari ishtirok etdi.

Qo'mita ekspertlari hamda soha mutaxassislari tomonidan ta'kidlanishicha, istiqlolning eng ulkan tufalaridan biri, bu

ota-bobolarimizning muqaddas e'tiqodi — islom dinini o'rganish, ajdodlarimizning boy ma'naviy merosini tadqiq qilish, din arkonlarini emir-erkin ado etish imkoniyatini berganidir.

Biroq so'nggi paytlarda mamlakatimizda diniy soha vakillari tomonidan qonuniy nikoh bo'lmasa ham nikoh tuzishga doir diniy marosimlar amalga oshirilayotgani ta'kidlandi. Bu o'z-o'zidan ijtimoiy

muammolar yuzaga kelishiga sabab bo'lmoqda.

Shuningdek, ayrim blogerlar tomonidan ijtimoiy tarmoqlarda dunyoviy va diniy hayot tarzini olib boruvchi jamiyat vakillari orasida bahs-munozaralarga sabab bo'layotgan, faqat o'zining qarashlarini ifodalovchi va diniy adovatni qo'zg'atishga qaratilgan chiqishlar ko'payib borayotgani qayd etildi.

Shu bois mutasaddi idoralar tomonidan O'zbekiston xalqining ko'p asriik tarixi va madaniy an'analarini inobatga olgan holda "O'zbekiston Respublikasining Jinoyat kodeksiga va O'zbekiston Respublikasining Ma'muriy javobgarlik to'g'risidagi kodeksiga o'zgartirish va qo'shimchalar kiritish haqida"gi qonun ishlab chiqilgan.

Xususan, qonunda milliy, irqiy, etnik yoki diniy mansubligiga qarab bir toifa fuqarolarni boshqa toifa fuqarolardan ustunligini yoki nuqsonli ekanligini targ'ib qilganlik, nikohi qonunda belgilangan tartibda qayd etilmagan shaxslar o'rtasida nikoh tuzishga doir diniy marosimni amalga oshirganlik, ko'p xotinlikni hamda jins bo'yicha kamsitishni targ'ib qilganlik uchun tegishli javobgarlikni belgilash nazarda tutilmoqda.

Shuningdek, xotin-qizlar va erkaklar teng huquqliligi ochiqdan-ochiq inkor etganlik va fuqarolarni milliy, irqiy, etnik yoki diniy mansubligiga qarab kamsitganlik hamda diniy tashkilot tomonidan o'zining ustavida nazarda tutilmagan faoliyat bilan shug'ullanganlik uchun ham javobgarlik belgilanyapti.

Qonun bilan fuqarolarning jamoat joylarida ibodat liboslari yurganlik uchun belgilangan ma'muriy javobgarlik bekor qilinmoqda.

Muhokamalar jarayonida ushbu qonunning qabul qilinishi natijasida jamiyatda millatlararo totuvlikni, diniy bag'rikenglikni yanada mustahkamlashga, dunyoviy qadriyatlarini saqlab qolishga hamda xotin-qizlarning huquqlarini ishonchli himoya qilishga erishilishi aytilmoqda.

Yig'ilish yakunida mazkur qonun bo'yicha ekspertlar tomonidan tayyorlangan tavsiyalar Sud-huquq masalalari va korrupsiyaga qarshi kurashish qo'mitasiga taqdim qilindi.

"Xalq so'zi".

QO'SHMA QAROR IJROSI QANDAY?

Oliy Majlis Senatining Agrar va suv xo'jaligi masalalari qo'mitasi raisi Bahodir Tojiyev boshchiligidagi ishchi guruh parlament palatalarining "Oziq-ovqat mahsulotlarini ko'paytirish, bahorgi ekin mavsumini samarali tashkil etish bo'yicha belgilangan tadbirlarning bajarilishi ustidan parlament nazoratini amalga oshirish to'g'risida"gi qo'shma qarori ijrosini ta'minlash maqsadida viloyatlarda aholini asosiy turdagi oziq-ovqat mahsulotlari bilan kafolatli ta'minlash, dala chetlaridan umumiy foydalanish hamda xonadonlarda to'qsonbosti ekinlarni ekish bo'yicha amalga oshirilayotgan ishlar holatini o'rganmoqda.

Senator va hayot

Xususan, senator Buxoro viloyatining Buxoro tumanida "O'ktam Ibrohim to'qli" fermer xo'jaligi ekin maydonini ko'zdan kechirdi.

Qayd etilishicha, fermer xo'jaligi umumiy yer maydoni 85 gektar bo'lib, shundan

28 gektarda g'alla, 10 gektarda chorva ozuqasi, 40 gektarda paxta hamda 7 gektar yerdan sabzavotchilik bilan shug'ullanib kelinmoqda. Bundan tashqari, paxta va g'alla dalalari atrofida oshqovoq, loviya, sholg'om va tut ko'chatlari ekilgan, uzum-

chilikni yo'lga qo'yish maqsadida shpallerlar o'rnatilgan. G'alladan bo'shagan 10 gektar maydonda takroriy ekinlar yetishtirilmoqda.

Fermer xo'jaligi mahsulotlarni eksport qilish bilan birga, ichki bozorlarni ham ta'minlab, bozorlardagi narx-navolarning barqaror saqlanishiga o'z hissasini qo'shyapti.

Shundan so'ng ishchi guruh "Yangi turmush" MFY hududida joylashgan lpakchi qishlog'ida bo'lib, ko'chatchilik ishlarini o'rgand.

Mahallada o'tgan yili kech kuzdan iqlim sharoitiga mos 1 million tupda yaqin 10 va boshqa manzarali daraxt ko'chatlari yetishtirilgan.

Birgina lpakchi qishlog'ida istiqomat qi-

lurchi Rahmon ota Xo'jamurodov aynan shu kecha-kunduzda ham atigi 4,5 sotix tomorqa maydonida 15 ming tup niholni yetishtirib, tutchilik xo'jaliklarga yetkazib bermoqda.

Shuningdek, ishchi guruh a'zolari dala chetlariga tarvuz, oshqovoq va sabzavot ekinlari ekib, yerdan samarali foydalanib kelayotgan dehqonlar bilan uchrashib, fikr-mulohaza almashdi. Mamlakatimizda qishloq xo'jaligi sohasini isloh qilish borasida olib borilayotgan ishlar bo'yicha ma'lumotlar, eksport salohiyatini yaxshilash, oziq-ovqat xavfsizligini ta'minlash, aholining arzon va sifatli mahsulotlarga bo'lgan ehtiyojini qanoatlantirish bo'yicha kerakli tavsiyalar berildi.

Hududlardagi o'rganishlar yakunlarini qo'mita majlisida muhokama qilish rejalashtirilgan.

"Xalq so'zi".

Yangi O'zbekiston strategiyasi:

BIR MAQSAD YO'LIDA MUSHTARAKLIK



Shu ma'noda aytganda, 2017 yildan boshlab o'zbek diplomatiyasida sifat jihatdan butunlay yangi sahifa ochilib, mamlakatimizning xalqaro maydonda olib borayotgan faoliyati yangi bosqichga ko'tarildi. Bunda asosiy e'tibor yaqin qo'shnlarning — Markaziy Osiyo mamlakatlari bilan hamkorlikka qaratildi.

Ma'lumki, chorak asrdan ko'proq vaqt davomida Markaziy Osiyo mamlakatlari o'rtasida bir qator muammolar vujudga kelgan edi. Suv-energetika resurslari va transport kommunikatsiyalaridan foydalanish, davlat chegaralarini delimitatsiya qilish va chegara punktlarini kesib o'tish kabilar shular jumlasidan.

Tanlangan yangi tashqi siyosat yo'nalishiga mos ravishda, O'zbekiston yetakchisi so'nggi yetti yil mobaynida Markaziy Osiyo davlatlari rahbarlari bilan mintaqaviy xavfsizlik, tinchlik-osoyishtalik hamda barqaror iqtisodiy taraqqiyotga oid dolzarb masalalarni birgalikda hal etishga qaratilgan konstruktiv muloqot olib bordi. Davlatimiz rahbari tashabbus bilan mintaqada mamlakatlari yetakchilarining yuqori darajadagi tashriflari amalga oshirildi. Ularning siyosiy muloqoti doimiy tus oldi. Ayni jarayonda Markaziy Osiyo mamlakatlari uchun xavfsizlik, iqtisodiyot, investitsiyalar, sayyohlik, madaniyat, sog'liqni saqlash va ekologiya sohalarida o'zaro manfaatli mintaqaviy va xalqaro masalalar bo'yicha muhim qo'shma qarorlar qabul qilindi.

Xullas, tarixan qisqacha davr ichida O'zbekistonning mintaqadagi mamlakatlar bilan munosabatlarida katta ijobiy o'zgarishlar yuz berdi. O'zbekistonning har bir qo'shni davlat bilan munosabatlarini strategik sheriklik darajasiga olib chiqishi va hamkorlikni rivojlantirishi mintaqada nizoli holatlarni deyarli yo'qqa chiqardi, uning investitsiyaviy jayzabadorligini kuchaytirishga yordam berdi. Toshkent birgalikda sudan foydalanish, iqlim o'zgarishi oqibatlarini yumshatish va ekologik tahdidlarga qarshi kurashish, jumladan, Orolbo'yi muammolarini hal etishda sa'y-harakatlarni birlashtirish, mintaqaga innovatsion texnologiyalar va investitsiyalarni jalb qilish, "yashil" iqtisodiyot tamoyillarini tatbiq etish kabi sohalarida mintaqaviy hamkorlik masalalari bo'yicha fikr almashish maydoniga aylandi. Tahlilchilar qayd etishicha, O'zbekiston rahbariyatining faol va konstruktiv mintaqaviy

siyosati qo'shni mamlakatlar bilan hamkor davlatlar tomonidan ham keng qo'llab-quvvatlanmoqda. Bu omil mintaqada mamlakatlari o'rtasida o'zaro manfaatli savdo-iqtisodiy munosabatlarni yanada kengaytirish va chuqurlashtirishga xizmat qiladi.

O'zbekiston pragmatik va chuqur o'ylangan tashqi siyosat olib borar ekan, Markaziy Osiyodagi barcha mamlakatlar bilan yaxshi qo'shnichilik va strategik sheriklik munosabatlarini kuchaytirish bundan buyon ham asosiy maqsad bo'lishi ayon haqiqat. Bunda mintaqaning ajralmas qismi, qo'shnichiligi tarixi uzoq o'tmishga borib taqaluvchi Afg'onistonda tinch va osoyishta hayotni tiklash, bu mamlakatda iqtisodiy va gumanitar inqirozga yo'l qo'ymaslik doimiy e'tibordagi masalalardan bo'lishi, shubhasiz. Zero, xalqimizning "Qo'shning tinch — sen tinch" degan maqoli bejiz aytilmagan.

Bu borada gap ketganda, qo'shni mamlakatning iqtisodiy ahvoli, imkoniyatlari va salohiyati xususida fikr bildirish maqsadga muvofiq bo'ladi.

Bilamizki, tarixiy taqdir va global manfaatlar to'qnashuvi afg'on xalqining keyingi salkam yarim asrlik taraqqiyotiga kuchli zarba berdi. Mamlakatni inqirozga uchratib, jar yoqasiga olib keldi — mavjud ijtimoiy omillar tanqisligi ichki mojarolar kuchayib ketishiga sabab bo'ldi. Ayni paytda mamlakatda ishsizlik darajasi juda yuqori. Aholining 35 foizi foydali mehnat bilan shug'ullanmaydi. Ichimlik suvi yetishmasligi, yoqilg'i energetikasi tanqisligi, ta'lim va tibbiy xizmat darajasi qoniqsizligi, xavfsizlik kafolatlanmagan jamiyatda iqtisodiy, ijtimoiy va ma'naviy-ruhiy inqirozni tobora chuqurlashtirmoqda.

Shunga qaramay, Afg'oniston jahon hamjamiyatida geosiyosiy, iqtisodiy va madaniy nuqtai nazardan keng imkoniyatlarini saqlab qolmoqda. Jumladan, u sobiq sovetlar makonini Xitoy va Hind okeaniga qadar bo'lgan ulkan hudud bilan tutashitirib turuvchi xalqaro tranzit va iqtisodiy hamkorlik rolini bajarishda muhim tayanch vazifasini bajargan.

Shu ma'noda, O'zbekiston Afg'oniston bilan birgalikda yirik transport-kommunikatsiya loyihalarini amalga oshirishdan manfaatdor. Bunga misol sifatida 2021 yil fevral oyida imzolangan Peshovar (Pokiston)ga temir yo'l qurilishining "Yo'l xaritasi" belgilab olinganini keltirish mumkin. Bu, o'z navbatida, O'zbekiston va Markaziy Osiyoning boshqa mamlakatlariga Hind okeani portlariga chiqish imkonini beradi. Shuningdek, mazkur loyiha Janubiy Osiyo temir yo'l tizimini Markaziy va Yevrosiyo temir yo'l tizimlari bilan bog'laydi va bu bilan Markaziy Osiyoning tranzit salohiyati ancha oshadi.

Bundan tashqari, transafg'on temir yo'lining qurilishi mintaqaviy xavfsizlikni ta'minlashga salmoqli hissa qo'shadi. Afg'onistonning shimoliy va sharqiy hududlarida ijtimoiy-iqtisodiy vaziyatning yaxshilanishi ushbu davlatning qo'shni mamlakatlar bilan xavfsizligini mustahkamlashga yordam beradi.

Qo'ni-qo'shni va do'stlarga ko'maklashish,

mehr-oqibat ko'rsatish, tashvishlariga sherik, hamdard bo'lish millatimizga xos yuksak fazilat. O'zbekistonning yaxshi qo'shnichilik siyosati Afg'oniston bilan aloqalarni mustahkamlashda ham yaqqol namoyon bo'layotgani jahon hamjamiyatining diqqat markazida. Bugungi kunda ham mamlakatimiz afg'on zaminida tinchlik jarayonini qo'llab-quvvatlash va ilgari surishda faol ishtirok etayotir. Ayni chog'da Afg'oniston iqtisodiyotini tiklash va ushbu mamlakatni mintaqaviy hamda xalqaro savdo-iqtisodiy munosabatlarga jalb qilishga yordam beradigan muhim iqtisodiy va infratuzilmaviy loyihalarni amalga oshirmoqda.

Albatta, Markaziy Osiyoda barqaror rivojlanish istiqbollari qo'shni Afg'onistonda tinchlikka erishish bilan chambarchas bog'liq. Ammo bu zamindagi tinchlik jarayoni uzoq vaqt davomida boshi berk ko'chada qolib ketganini ko'pchilik yaxshi biladi. O'zbekiston yetakchisining tashabbusi bilan ushbu o'tkir muammo xalqaro hamjamiyat kun tartibiga qayta kiritildi. Zotan, insoniyat taraqqiyotining hozirgi bosqichida Afg'onistondagi vaziyatni barqarorlashtirish global xavfsizlikni ta'minlashning muhim sharti bo'lib qoldi.

Prezident Shavkat Mirziyoyev afg'on muammosiga alohida e'tibor berar ekan, mintaqaviy mojarolar yechimini topish, davlatlararo munosabatlarda o'zaro hurmat va qat'iyl ishonch, olis istiqbolni ko'zlagan umuminsoniy manfaatlar atrofida birlashish g'oyasini ilgari surdi. Afg'oniston muammosini nafaqat uning ichki muammosi, balki Markaziy Osiyo va umuman, Osiyo qit'asi, qolaversa, umuminsoniy masala sifatida jahon minbariga olib chiqdi. Ayni chog'da Afg'onistonni turli mintaqaviy integratsion loyihalarga qo'shish tashabbusini bir necha bor ilgari surdi.

Ayonki, tinchlik — taraqqiyot va farovonlikning asosiy omili. Tinchlik-osoyishtalik bo'lgan joyda rivojlanish bo'ladi, odamlar bunyodkorlik, yaxshilik istagi bilan yashaydi. Binobarin, davlatimiz rahbari shu yil 19 sentyabr kuni BMT Bosh Assambleyasining 78-sessiyasida ta'kidlaganidek, "Bizga tinch va barqaror, mintaqaviy hamkorlik jarayonlarida ishtirok etadigan, qo'shnilari va boshqa mamlakatlar bilan o'zaro manfaatli sheriklik uchun ochiq Afg'oniston kerak".

Afg'oniston geosiyosiy nuqtai nazardan Markaziy va Janubiy Osiyo davlatlarini bir-biriga bog'lab turadigan, juda katta transport kommunikatsiyasi imkoniyatiga ega makon. Birgina beqarorlik bir necha o'nlab davlatlarning iqtisodiy, savdo va madaniy aloqalariga, mintaqaviy taraqqiyotiga salbiy ta'sir etayotgani ham bor gap.

Prezidentimizning Afg'onistonga doir kelishuvchilik va yaqin qo'shnichilik siyosati o'zining siyosiy va tarixiy mohiyati bilan jahon hamjamiyatini, davlat va siyosat arboblari, xalqaro tashkilotlarni afg'on muammosiga insonparvarlik nuqtai nazaridan munosabatda bo'lishga chaqiradi. Shu jihatdan, Afg'oniston xavfsizligi va barqaror iqtisodiy taraqqiyotiga nafaqat ichki muammo, balki mintaqaviy,



qolaversa, insoniyat taqdiri va istiqboliga daxldor masala sifatida baholash maqsadga muvofiqdir.

Muxtasar aytganda, Markaziy Osiyo — bu, haqiqatan ham, noyob imkoniyatlar va hali ishga solinmagan ulkan salohiyatga ega bo'lgan mintaqadir. Unda mustahkam taraqqiyot, barqarorlik va farovonlikni ta'minlash — bizning to'liq erisha oladigan mushtarak vazifamizdir. Haqiqat shuki, O'zbekiston mehr-oqibatni, ezgulikni, bunyodkorlikni hurmat qiluvchi mamlakat. "O'zbekiston — 2030" strategiyasining nazariy asosi ham davlatimizning mana shu ustuvor siyosatini ifoda etadi. Prezidentimiz ilgari surayotgan tashabbusi esa Afg'onistonda bir necha minglab ish o'rnlari ochilishiga, uning ijtimoiy-iqtisodiy muammolari hal qilinishiga, eng muhimi, buyuk sivilizatsiyalarga guvoh bu zaminda uzoq kutilgan tinchlik o'rnatilishi garovi bo'ladi, desak, mulbog'a emas.

O'z navbatida, "O'zbekiston — 2030" strategiyasida ilgari surilgan g'oyalar, xususan, beshinchi ustuvor yo'nalish — "xavfsiz va tinchliksevar davlat" tamoyiliga asoslangan siyosatni izchil davom ettirish — istak va intilishimiz, o'zimizga bo'lgan ishonch butun Markaziy Osiyoni birgalikda rivojlantirish, xalqlarimiz farovonligini ta'minlashga xizmat qilishi, shubhasizdir.

Qo'ng'irotbog SHARIPOV,
Toshkent davlat iqtisodiyot universiteti rektori, professor.

O'rganish

MUNOSIB MEHNAT SHAROITLARINI YARATISH — PARLAMENT NAZORATIDA

Oliy Majlis Qonunchilik palatasining Mehnat va ijtimoiy masalalar qo'mitasi hamda Agrar va suv xo'jaligi masalalari qo'mitasining qo'shma yig'ilishi bo'lib o'tdi. Unda mehnatni muhofaza qilish to'g'risidagi qonun hujjatlarining hududlardagi ijrosi holatini o'rganish yakunlari muhokama etildi.

Ta'kidlanganidek, yangi tahrirdagi Konstitutsiyada "inson — jamiyat — davlat" tamoyili, ijtimoiy davlat qurish masalasi mustahkamlangan, unda davlatning ijtimoiy majburiyatlari uch barobar ko'paytirilgan. Bugun Prezidentimiz tashabbusi bilan amalga oshirilayotgan islohotlar yangilangan Konstitutsiyamizda belgilangan "Inson qadri uchun" degan ustuvor tamoyilni to'la ro'yobga chiqarishga qaratilgan bo'lib, inson manfaatlarini mustahkamlash, ijtimoiy himoyasini kuchaytirish, shu jumladan, fuqarolar uchun munosib mehnat sharoitlarini yaratish hamda mehnatga doir huquqlarni ta'minlashga xizmat qilmoqda.

Xalqaro mehnat tashkilotining O'zbekiston tomonidan ratifikatsiya qilingan konvensiyalari qoidalarida hamda xalqaro standartlar milliy qonunchiligimizda o'z aksini topib, amaliyotga joriy etilyapti.

Qo'shma yig'ilishda fuqarolarning qonunchilikda belgilangan mehnatga doir huquqlarini muhofaza etish, sohaga oid qonunchilikka amal qilinishini ta'minlash, qulay mehnat sharoitlarini yaratish hamda mehnat xavfsizligini kuchaytirishga doir masalalar ko'rib chiqildi.

Oliy Majlis Qonunchilik palatasi deputatlari hududlarda bo'lib, tashkilot va xo'jalik boshqaruvi organlarida xodimlarning hayoti va sog'lig'i ustuvorligini ta'minlashi, mehnatni muhofaza qilishga oid talablarga rioya etilishi, tashkilotlar uchun mehnatni muhofaza qilish sohasida belgilangan talablarning bajarilishiga alohida e'tibor qaratt.

Jumladan, deputatlar Nishon tumanidagi Qarshi magistr talabalaridan foydalanish boshqarmasi faoliyati bilan tanishdi, shuningdek, ishchi-xodimlar bilan muloqotda bo'ldi.

Joylarda o'tkazilgan uchrashuvlarda bildirilgan fikr-mulohazalardan kelib chiqib, olis hududlarda yoki alohida tabiiy sharoitlarga ega bo'lgan hududlarda (vaxta usulida) mehnat qilayotgan, shuningdek, noqulay sharoitlarda ish bilan shug'ullanayotgan fuqarolar mehnatini rag'batlantirish ustuvor vazifalardan biri ekanligi aytilib o'tildi.

Shuningdek, yig'ilishda Suv xo'jaligi vazirligining yirik suv nasos stansiyalarida ishlayotgan fuqarolarning qonun hujjatlarida, shu jumladan, Mehnat kodeksida, "Me'natni muhofaza qilish to'g'risida"gi Qonunda kafolatlangan adolatli va xavfsiz mehnat sharoitlariga ega bo'lish, mehnat muhofazasini ta'minlash borasida amalga oshirilayotgan ishlar haqidagi axborot ham eshittildi.

Deputatlar tomonidan murakkab mehnat sharoitlarida faoliyat yuritayotgan fuqarolar mehnatini moddiy qo'llab-quvvatlash, ish haqi va ustamalarining to'lanishini ta'minlash hamda ijtimoiy himoyasini yanada kuchaytirish zarurligi ta'kidlandi.

Yig'ilishda qonun bilan mustahkamlangan ushbu imkoniyatlardan samarali foydalanish yuzasidan mutasaddi idoralar tomonidan tegishli choralar ko'rib borilishi lozimligi qayd etildi.

Qo'shma yig'ilishda yirik ishlab chiqarish ob'ektlarida fuqarolarning mehnatiga doir huquqlari muhofazasi bo'yicha kelgusida amalga oshirilishi lozim bo'lgan muhim vazifalar belgilab olingan qo'mitalarning qo'shma qarori qabul qilindi.

"Xalq so'zi".

INSON QADRI ULUG'

Zarafshon shahrida o'tgan yilning avgust oyida faoliyati yo'lga qo'yilgan "Umid" reabilitatsiyaga ega davlat ko'p tarmoqli maktabgacha ta'lim tashkiloti "Navoiy kon-metallurgiya kombinati" aksiyadorlik jamiyati tomonidan qurilgan bo'lib, unda o'sishida turli nuqsonlari bo'lgan, shuningdek, reabilitatsiya va sog'lomlashtirishga muhtoj bolalar o'qitilib, tengqurlari davriga integratsiya qilinadi.

G'amxo'rlik

Tashkilot maxsus jihozlar, tibbiyot uskunalari bilan ta'minlangan. Mashg'ulotlar belgilangan dastur asosida guruhlariga bo'lingan holda olib boriladi. Uchta blokdan iborat ikki qavatli binoga liftlar o'rnatilgan. MTTda futbol, yugurish va sun'iy qoplama bolalar maydonchalari, basseyn mavjud.

— Muassasamiz 2 yoshdan 7 yoshgacha bo'lgan bolalar uchun maktabgacha ta'lim tashkiloti, 7 yoshdan 16 yoshgacha bolalar uchun esa nuqsonlarni davolash, ya'ni reabilitatsiya maskani hisoblanadi, — deydi MTT rahbari Dilafroz Fayziyeva. — O'tgan bir yil ichida muassasamizda 22 nafar bola sog'lomlashtirildi. Ularning 7 nafari umumta'lim maktablari, qolganlari esa umumiy tipdagi maktabgacha ta'lim muassasalariga o'tkazildi.



"Umid" MTTda bugun ehsitish, ko'rish, so'zlash va harakatlanishda nuqson bor hamda aqliy salohiyatda tengdoshlaridan ortda qolgan 58 nafar bolaga ta'lim-tarbiya berilib, sog'lomlashtirilmogda. Ular o'n yarim soat mobaynida muassasa muhitida yashab, defektolog, psixolog, psixonevrolog, okulist, surdo pedagog,

suzysh hamda jismoniy davolash bo'yicha yo'riqchilar yordamida sog'lomlashtirish, bolalar bilan muloqotda bo'lish muhitiga moslashtirish jarayonlarini o'taydi.

— Muassasamizga kelgan har bir bola, avvalo, moslashuv guruhiga qabul qilinadi, — deydi tashkilot psixologi Nasiba Yodgorova. — Chunki oiladagi yopiq muhitda, bir xil kun tartibi, bir xil turmush sharoitida, faqat oila a'zolarininggina yordamida yashagan va harakat qilgan bola begona chehralar, yo' muhitga o'rganishi zarur. Bunday vaziyatda bolalarda majburiy muolaja va sog'lomlashtirish tadbirlarini olib borish qiyin, qolaversa, ularni stress holatiga solib qo'yish salomatligi va ruhiyatiga aks ta'sir etishi ehtimoli yuqoriroq. Shu sabab moslashish davridan har bir bolaga nuqsonidan kelib chiqib, alohida munosabat va o'ta ehtiyoqlik bilan yondashish talab qilinadi. Moslashtirish jarayonida bola o'zini shaxs sifatida his etishi, jamoaga birlashishga erishish muhim ahamiyatga ega.

Ta'kidlaganimizdek, MTTda 16 yoshgacha bo'lgan bolalar ham nuqsonlarni davolash kurslarini o'tashadi. Ular har kuni 2-3 soat davomida maskandagi reabilitatsiya xizmatlaridan foydalanib, sog'lomlashtiriladi. Bugun muassasa jamoasi sa'y-harakatlari natijasi salomatligida ijobiy o'zgarish bo'lgan, aqliy rivojlanishda tengdoshlariga yetib olgan, ular qatori maktablarda o'qiy boshlagan 22 nafar bolaning ota-onasi quvonchida ham namoyon.

— Farzandimning taqdirini o'ylab, kechalari uyqum qochib ketardi, — deydi muassasada farzandi sog'lomlashtirilayotgan onalardan biri Nigora Boynazarova. — Tengdoshlari qatori o'ynab-kulib yurishdan mosuvo bo'lib, bolalik quvonchlaridan bahra ulg'ayayotgani ona sifatida bir meni emas, barcha oilamiz a'zolarini tashvishga solardi. Mana, hammasi asta-sekin barham topmogda. Farzandimning ongu tafakkuridagi o'zgarishni ko'rib, bugun bir quvonchimizga o'n quvonch qo'shilyapti.

Yurtimizda inson qadri ulug'. Bugun yoshi va ijtimoiy mavqaidan qat'i nazar, har bir inson shu aziz yurt farzandi sifatida yaratilgan imkoniyatdan foydalanib, davlatning mehr va saxovati, g'amxo'rligini his qilib yashashga alohida e'tibor qaratilmogda.

Temur ESHBOYEV ("Xalq so'zi").

E'tirof

YOSH OLIMNING ILK MONOGRAFIK TADQIQOTI TO'QQIZ TILDA NASHR ETILDI

Jahonda kechayotgan globalashuv jarayonlari hamda xalqaro moliya bozorlariga integratsiyalashuvning chuqurlashuvi salohiyatli investor va mulkdorlarni ishonchli, shaffof axborotlar bilan ta'minlashni taqozo etadi. Shu maqsadda xalqaro standartlarga muvofiq moliyaviy hisobot tuzish hamda tahlil qilishga alohida e'tibor qaratilmogda.

Ayniqsa, O'zbekistonning jahon iqtisodiyotiga integratsiyalashuvi jarayonining kuchayishi aksiyadorlik jamiyatlari va xorijiy investitsiyalar ishtirokidagi korporatsion xalqaro birjalar listingiga kiritilishi, moliya institutlari, salohiyatli investorlar bilan hamkorlik xalqaro standartlar asosida moliyaviy hisobot tuzish va tahlilni talab qiladi.

Yaqinda Toshkent davlat iqtisodiyot universitetining xalqaro hamkorlik departamenti xorijiy talabalar va almashinuv dasturlari bo'limi boshlig'i, iqtisodiyot fanlari bo'yicha falsafa doktori (PhD) Abdulla Akramovning "Preparation of financial reporting based on international standards: improving accounting and analysis methods" (Xalqaro standartlar asosida moliyaviy hisobot tuzish: hisob va tahlil usullarini takomillashtirish) nomli monografiyasi Buyuk Britaniyaning "GlobeEdit" nashriyotida ingliz tilida chop etilgan edi.


Quvonarlisi, ushbu monografiya jahonning yana 8 ta nufuzli nashriyoti tomonidan nemis, fransuz, ispan, italyan, rus, portugal, polyak va dan tillariga tarjima qilinib, nashr etildi. Endilikda mazkur o'quv qo'llanma dunyoning 200 million aholisi tomonidan o'qilayotgani tom ma'nodagi xushxabar bo'ldi, desak, mubolag'a emas.

O'zbekiston Respublikasi Prezidentining tegishli qarori bilan moliyaviy hisobotning xalqaro standartlari (MHXS)ga o'tishni jadallashtirish orqali xorijiy investorlarni zarur axborot muhiti bilan ta'minlash va xalqaro moliya bozorlariga kirish imkoniyatlarini kengaytirish, shuningdek, hisob va audit shohlari mutaxassislarini xalqaro standartlar bo'yicha tayyorlash tizimini takomillashtirish ustuvor vazifa sifatida belgilab berilgan.

Bu vazifalar ijrosini ta'minlashda yangi O'zbekistonda moliyaviy hisobot tuzilgan sanadan keyingi hodisalarni reversiv tarzda aks ettirish, xalqaro hisoblash tamoyili asosida moliyaviy hisobot tayyorlash, vertikal balans-netto shakli hamda konsolidatsiyalashgan hisobotning ishchi transformatsiya jadvallarini tatbiq etish, moliyaviy hisobotning muhim elementlarining qadrsizlanishi bo'yicha rezerv tashkil qilish, sof aktivlar qiymatiga ta'sir etuvchi omillar tahlili, xorijiy investitsiyalarni jalb qilishda moliyaviy hisobot axborotlaridan foydalanish yo'nalishlari bilan bog'liq masalalarga bag'ishlangan monografik tadqiqot ishi muhim ahamiyat kasb etadi.

Monografiyaning ilmiy yangiligi shundaki, moliyaviy hisobot tuzilgan sanadan keyingi hodisalar ta'sirida buxgalteriya hisobida sodir bo'ladigan muomalalarni aks ettirish uchun 6610 — "Oddiy aksiyalar bo'yicha to'lanadigan dividendlar", 6620 — "Imtiyozli aksiyalar bo'yicha to'lanadigan dividendlar", 8540 — "Imtiyozli aksiyalar bo'yicha to'lanadigan dividendlar rezervi" ishchi hisoblarini ochish taklif etilgan.

Shu bilan birga, "Moliyaviy holat to'g'risidagi hisobot"ni vertikal balans-netto shaklida tuzish



maqsadida "Ishchi transformatsiya jadvali"ga 090 — "Asosiy kapitalga investitsiyalar", 271 — "Kechikirilgan soliq aktivlari", 450 — "Jamg'arilgan zararlari" satrlarini kiritish taklif etilgan.

Shuningdek, xususiy kapitalni moliyaviy hisobot elementi sifatida xalqaro standartlarga transformatsiya qilish maqsadida 8300 — "Aksiyadorlik (pay) kapitali", 8400 — "Emission (daromad) kapitali" ishchi hisoblarini kiritish zarurligi asoslangan va ularning o'zaro korrespondentsiyasi taklif qilingan.

Mamlakatimiz iqtisodiyoti taraqqiyotida muhim strategik ahamiyatga ega bo'lgan kimyo sanoati korxonalarining sof aktivlari qiymatiga bank krediti va qarzar foizi, inflyatsiya, soliq yuki va baho qabul omillar ta'sirini boshqarish maqsadida 2025 yilgacha bo'lgan prognoz ishlab chiqilgan.

Yana bir e'tiborli jihati, yosh olimning monografiyasini bugungi kunda "OmniScriptum" nashriyot uyi va "VLC Publishing Ob" kompaniyasining savdo markasi ostida "MoreBooks" onlayn savdo tarmog'i orqali xalqaro matbaa bozorida 80 mingta kitob savdo shoxobchasi hamda 3 mingdan ortiq internet-do'konlaridan xarid qilish mumkin.

Yosh iqtisodchi olim Abdulla Akramovga jahonning nufuzli nashriyot uylari tomonidan chop etilgan mazkur monografiya xaridi bo'yicha 30 foizlik chegirma ham taqdim qilinganligi uning mehnatining munosib e'tirofi, deb qarash lozim. Bu imtiyoz yosh olimga kelgusida o'z startap loyihalarini shakllantirish uchun pay mablag'i bo'lib xizmat qiladi.

Umuman olganda, xalqaro darajada e'tirof etilgan monografik tadqiqot mamlakatimiz oilimlari tomonidan tayyorlangan ilmiy qo'llanmalarga dunyo ahli ham qiziqish bildirayotganidan dalolat beradi.

Azamat MAHMUDOY,
Toshkent davlat iqtisodiyot universitetining Moliyaviy tahlil va audit kafedrasida dotsenti, iqtisodiyot fanlari doktori.

Turizm

SIYOBCHA KOLLEKTORI HUDUDI SAYYOHLIK MASKANIGA AYLANTIRILADI

Samarqand shahrini kesib o'tadigan Siyobcha kollektori hududida mahalliy aholi va sayyohlarga shahar shovqinidan xoli maroqli horidiq chiqarishi uchun sharoit yaratishga kirishildi.

Salkam 16 kilometrlik uzunlikdagi mazkur kollektorga tutash manzillar hozir ancha qarovsiz holda qolib, chiqindilarga to'la hududga aylangan edi. Birinchi navbatda, bu maskanni tozalash, aholining dam olishi uchun sharoit yaratish, qolaversa, odamlar bandligini ta'minlash, doimiy daromad manbaiga ega bo'lishlari uchun loyihalar ishlab chiqildi.

Tayyorlangan loyihalarga ko'ra, kollektorning ikki qirg'og'ida yangil konstruksiyalar asosida dam olish maskanlari, bog'lar barpo etiladi, milliy taomlar oshxonasi hamda hunarmandchilik ustaxonalari joylashtiriladi. Ko'plab manzarali va mevali daraxtlar ekiladi. Kollektor yoqalab piyoda hamda velosipedda harakatlanish uchun qulay yo'laklar va tunnellar barpo etiladi, infratuzilma yaxshilanadi.

— Bu yerda obodonlashtiriladigan hududning umumiy uzunligi 18 kilometr. Shundan 2 kilometri obodonlashtirilgan. Qolgan 16 kilometrda belgilangan ishlar amalga oshiriladi, — deydi Samarqand shahar qurilish va uy-joy kommunal xo'jaligi bo'limi boshlig'i Shuhrat Jumayev.

— Bu Samarqand tumanining Qo'shtamg'ali mahallasidan boshlanib, Qaynama mahallasigacha bo'lgan hududlarni o'z ichiga oladi. To'rtta asosiy ko'chada poydalar yo'lga qilinadi. Shuningdek, odamlar ko'chani kesib o'tmasligi uchun 4 ta tunnel ham quriladi.

Siyobcha kollektori atrofini obod qilish maqsadida ishlab chiqilgan loyihalar bevosita mazkur hududda viloyat va shahar mas'ul-lari bilan birga muhokama etildi.

Abdulaziz YO'LDOSHYEV ("Xalq so'zi").

Infratuzilma

Quyosh fotoelektr stansiyasi qurilmogda

Yakkabog' tumanining Eski Yakkabog' mahallasida 5 MVt quvvatli quyosh fotoelektr stansiyasi qurilishiga start berildi.

"Green Energy Yakkabog'" mas'uliyati cheklangan jamiyati tomonidan amalga oshirilayotgan loyihaning umumiy qiymati 5 million AQSH dollarini tashkil etadi.

— Ayni vaqtda Xitoydan qiymati 1 million AQSH dollari qiymatidagi quyosh panellari va uskunalarini olib kelib, mahalla hududidagi 11,5 gektar

adirlik maydoniga o'rnatishni boshladik, — deydi tadbirkor Masrur Badalov. — Joriy yil yakuniga qadar loyihaning 1 MVt quvvatga ega bo'lgan qismi ishga tushirilishi rejalashtirilgan.

Ma'lumotlarga ko'ra, 2025 yilning birinchi choragi yakuniga qadar esa 5 MVt quvvatli quyosh fotoelektr stansiyasi to'liq qurib bitkaziladi.

Jahongir BOYMURODOV ("Xalq so'zi").

"Aqli" qozonxonalarining afzalligi nimada?

Xorazm viloyatida ko'p qavatli uylar va ijtimoiy soha ob'yektlarini markazlashgan issiqlik energiyasi bilan uzluksiz ta'minlash maqsadida qozonxonalariga energiya tejakorligi yuqori bo'lgan zamonaviy isitish qozonlari o'rnatilmogda.

— Qishning izingirini kunlarida aholini eng ko'p tashvishga soladigan masalalardan biri isitish tizimi bilan bog'liq ekani hech kimga sir emas, — deydi "Xorazm issiqlik manbai" DUK bosh muhandisi Dilshod Masharipov. — Uy issiq bo'lsa, ko'ngil xotirjam, ishda unum va baraka bo'ladi. Korxonamizga qarashli bo'lgan 95 ta qozonxonaga orqali 187 ta

ijtimoiy soha ob'yekti va 333 ta ko'p qavatli uyga issiqlik energiyasi yetkazib beramiz.

Qozonxonalaridagi foydali ish samaradorligi past bo'lgan eski qozonlar o'rninga zamonaviy isitish tizimlarini bosqichma-bosqich o'rnatyapmiz. Bunday "aqli" qozonlar xavfsizlik kafolatiga ega bo'lib, yoqilg'i-energiya sarfini 25 — 30 foizga kamaytirish, shuningdek, ishchi kuchini tejash hisobiga mablag'ni iqtisod qilish imkonini beradi.

Odilbek ODAMBOYEV ("Xalq so'zi").

A. AVLONIY NOMIDAGI PEDAGOGLARNI KASBIY RIVOJLANTIRISH VA YANGI METODIKALARGA O'RGATISH MILLIY-TADQIQOT INSTITUTI

2024-YIL UCHUN QUYIDAGI IXTISOSLIKLAR BO'YICHA DOKTORANTURA, TAYANCH DOKTORANTURA, STAJOR-TADQIQOTCHI VA MUSTAQIL IZLANUVCHILIKKA QABUL E'LON QILADI:

T/r	Ixtisoslik shifri	Ixtisoslik	Tayanch doktorantura (PhD)	Ajratilgan kvota		
				Doktorantura (DSc)	Doktorantura DSc	Stajor-tadqiqotchi
1.	13.00.07	Ta'limda menejment	5	1		2
2.	13.00.02	Ta'lim va tarbiya nazariyasi va metodikasi (sohalar bo'yicha)	3			
JAMI			8	1		2

Doktorantura, tayanch doktorantura, stajor-tadqiqotchi va mustaqil izlanuvchilikka kirish uchun talvoda ishtirok etishga hujjatlar www.phd.mininnovation.uz elektron manzili orqali taqdim qilinadi.

Tayanch doktorantura o'qishga talabgorlar taqdim etadigan hujjatlar:

- ariza;
- qisqacha biografik ma'lumotnoma;
- mehnat daftarchasining belgilangan tartibda tasdiqlangan nuxsasi (ishlayotgan talabgorlar uchun);

- oliy ta'lim muassasasi magistraturasi diplom va ilovasi, oliy ma'lumot (mutaxassislik dasturlari bo'yicha) to'g'risidagi diplom nuxsasi;
- chet tili sertifikatini (bunda filologiya yo'nalishlari bo'yicha kamida "C1" darajadagi milliy yoki unga mos darajadagi xalqaro, nofilologik yo'nalishlari bo'yicha kamida "B2" darajadagi milliy yoki unga mos darajadagi xalqaro sertifikat);
- nashr etilgan ilmiy ishlar ro'yxati, shuningdek, ularning nuxsalarini.

Tayanch doktoranturada o'qish uchun talabgorlar mutaxassislik bo'yicha kirish imtihonlarini topshiradi. Doktoranturada o'qish uchun kirayotgan talabgorlar ixtisoslik bo'yicha suhbatdan o'tadi.

Qo'shimcha ma'lumot olish uchun A. Avloniy nomidagi milliy-tadqiqot instituti Doktorantura va magistratura bo'limiga murojaat qilish mumkin. **Tel:** 71-246-06-63. (**Manzil:** 100095, Toshkent shahri, Olmazor tumani, Ziyo ko'chasi, 6-uy).

Doktoranturaga talabgorlar taqdim etadigan hujjatlar:

- ariza;
- qisqacha biografik ma'lumotnoma;
- mehnat daftarchasining belgilangan tartibda tasdiqlangan nuxsasi (ishlayotgan talabgorlar uchun);
- fan nomzodi yoxud falsafa doktori (PhD) yoki xorijiy davlatlarda unga tenglashtirilgan ilmiy darajaga ega bo'lganligi to'g'risidagi diplom nuxsasi;
- chet tili sertifikatini (bunda filologiya yo'nalishlari uchun kamida "C1" darajadagi milliy yoki unga mos darajadagi xalqaro, nofilologik yo'nalishlari uchun kamida "B2" darajadagi milliy yoki unga mos darajadagi xalqaro sertifikat);
- tadqiqot mavzusi bo'yicha ilmiy ma'ruza va fan doktori (DSc) ilmiy darajasini olish uchun tayyorlangan doktorlik dissertatsiyasi rejasining mufassal loyihasi;
- nashr etilgan ilmiy ishlar ro'yxati, shuningdek, ularning nuxsalarini;

Stajor-tadqiqotchi:

- ariza;
- qisqacha biografik ma'lumotnoma;

Hujjatlar 2023-yil 15-oktabrgacha (shu kuni ham) qabul qilinadi.

Asos: O'zbekiston Respublikasi oliy ta'lim, fan va innovatsiyalar vazirligining 2023-yil 31-avgustdag 01-03/2778-son xatiga ilova qilingan "2024-yil uchun ilmiy va ta'lim tashkilotlarining akkreditatsiyadan o'tgan ixtisosliklari kesimida tasdiqlangan qabul kvotalari bo'yicha taqsimoti".

REKLAMA

O'ZBEKISTON DAVLAT KONSERVATORIASI

2024-yil uchun tayanch doktorantura — falsafa doktori (PhD), doktorantura (DSc) hamda mustaqil izlanuvchilikka 17.00.02 — Musiqqa san'ati ixtisosligi bo'yicha qabul e'lon qiladi.

Tayanch doktorantura — falsafa doktori (PhD) (3 o'rin), doktorantura (DSc) (2 o'rin) hamda mustaqil izlanuvchilikka talabgorlar quyidagi hujjatlarni taqdim etadi:

- ariza;
- qisqacha biografik ma'lumotnoma;
- mehnat daftarchasining belgilangan tartibda tasdiqlangan nuxsasi (ishlayotgan talabgorlar uchun);
- oliy ta'lim muassasasi magistraturasi diplom yoxud fan nomzodi diplom yoki magistr darajasi joriy etilgunga qadar olingan oliy ma'lumot to'g'risidagi diplom nuxsasi;
- tadqiqot mavzusi bo'yicha e'lon qilingan ilmiy ma'ruza va doktorlik dissertatsiyasi rejasining mufassal loyihasi;
- nashr etilgan ilmiy ishlar ro'yxati, shuningdek, ularning nuxsalarini.

Hujjatlar 15-oktabrgacha qabul qilinadi.

DIQQAT: talabgorlar talab qilinadigan hujjatlarni phd.mininnovation.uz elektron manzili orqali yuborishlari kerak.

Manzil: 100027, Toshkent sh., B. Zokirov ko'chasi, 1-uy. **Ilmiy pedagogik kadrlar tayyorlash bo'limi.** **Telefonlar:** 71-244-94-50; 71-244-95-09.

Xalq so'zi Narodnoe slovo

MUASSISLAR:
O'zbekiston Respublikasi Oliy Majlisi Qonunchilik palatasi Kengashi
O'zbekiston Respublikasi Oliy Majlisi Senati Kengashi

Bosh muharrir O'tkir RAHMAT

2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi — 229. Buyurtma G 941.33 088 nuxsada bosildi. Hajmi — 2 tabaq. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuborish uchun QR-kodni telefoningiz orqali skaner qiling.



TELEFONLAR:
Devonxona 71-259-74-51; Kotibxona 71-259-74-53; e'lonlar 71-259-74-55.



Tahririyatga kelgan qo'yuzmalar taqdir qilinmaydi va mualliga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Gazeta tahririyat kompyuter markazida terildi hamda operator A. Ismailov tomonidan sahifalandi.
Gazetaning poligrafik jihatdan sifatli chop etilishiga "Sharq" nashriyot-matbaa aksiyadorlik kompaniyasi mas'ul.
Bosmaxona telefoni: 71-233-11-07.

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir R. Sherqulov.
Musahhih Sh. Mashrabbayev.

"Sharq" nashriyot-matbaa aksiyadorlik kompaniyasi bosmaxonasi. Korxonada manzili: Buyuk Turon ko'chasi, 41. O'ZA yakuni — 09.30 Topshiriladi — 10.50

1 2 3 4 5 6